

ՀԱՄԱՅՆՔ

ԿԱՌԱՎԱՐՈՒԹԵԱՆ ԿՈՉՈՒՄԸ

Ներկայ յօդուածով մենք չենք կամենում քննութեան ենթարկել ~~հայաստանում~~ տիրող այժմեան վարչական կարգերը, որոնք արդէն հազար անգամ կրկն են զանազան քննադատութիւններու Հարստահարված հայ ժողովուրդը այսօր մի արիւնքալից յեղափոխական է, նա զգացել է ներկայ կառավարութեան ինչ լինելը եւ յեղափոխական գործունէութեամբ բողոքում է այդ կարգերի դէմ:

Յուսահատված հայը ինքնիցնքը նետել է փոթորկալից եւ արիւնահեղ յեղափոխութեան ասպարէզը. նա գոռում, գոչում է ազատութիւն եւ այդ ցանկալի ազատութեան համոր գոհում է տուն, տեղ, ընտանիք եւ կեանք:

Բայց ո՞րն է այդ ազատութիւնը: Արդեօ՞ք մի հայկական կառավարութիւն, լինի դա միապետական կամ հանրապետական: Ո՛չ, — դժբա ազատութիւն չեն, այլ ազատութիւն եւ երջանկութիւն բառերով համեմատ երեւակայական ցնորքներու Մի կառավարութիւն՝ լինի դա ազգային կամ օտար միջոցով ինչպէս է ազատութեան: «Կառավարութիւնն եւ ազատութիւնը իրար հակասում են», ահա մի անհերքելի ճշմարտութիւն: Եւ իրաւ, ժամն մի կառավարութիւն, լինի դա միապետական կամ սահմանադրական, հանրապետական կամ ազնուապետական՝ միայն արտաքին ձեւերով են տարբերվում միմեանցից, իսկ իրենց ներքին էութեամբ եւ կոչումով միեւնոյն են:

Բնենք այժմ թէ ինչո՞ւմ է կայանում բոլոր կառավարութիւնների էութիւնը եւ կոչումը:

Այս հարցին պատասխանելու համար պարտաւոր ենք մի պատմական հայացք ձգել կառավարչական կարգերի ծագման վրայ:

Հնկերաբանութեանը (սօցիոլոգիա) ումենահաստատ կերպով ապացուցանում է, որ երբ մարդկութեան մէջ երեւան եկան առանձին դասակարգեր, այսինքն կեղեքիչ հարուստներ եւ թրջուառ աղքատներ, այն ժամանակ հարուստները կազմեցին մի կառավարութիւն իրենց անիւրաւ շահերը պաշտպանելու համար: Գոհտաով Լը-Բօնի նման մի գիտնական, որ ոչ մի յեղափո-

խական ձգտում չունի, հաստատում է միեւնոյնը հետեւեալ խօսքերով. «Շուտով հարուստները կազմեցին մի առանձին դասակարգ եւ իրենց շահերը պաշտպանելու համար, աղքատ ժողովրդի դէմ օրէնքներ ու կանոններ ռահմանեցին, այսինքն մի կառավարութիւն կազմեցին»:

Էլ կասկած չի մնում, որ կառավարութիւն կոչված այդ դժոխային մեքենան ուղղակի աշխատող աղքատ դասակարգի դէմ է ուղղված: Սկսած իրենց ծագման օրից միջեւ այժմ կառավարութիւնները միշտ հաւատարիմ են եղել իրենց այդ միակ կոչման, այսինքն՝ պաշտպանել հարուստ կեղեքիչներին աղքատ ժողովրդի դէմ:

Եթէ մի քիչ խորը թափանցենք եւ պաշարիւնութեամբ քննենք կառավարական կազմակերպութիւնը, պոկելով նրա երեսից ռամկավարական կամ հանրապետական դիմակը, որով նա ծածկվում է մի քանի երկրներում, մենք զարմացած կը մնանք, տեսնելով, թէ ինչպիսի մեծ նմանութիւն կայ նոյն իսկ ամենայնառաջագէտ ռամկավարական կառավարութեան եւ բացարձակ միապետական կառավարութեան մէջ:

Այն հիմնարկութիւններն, որոնք միապին վերցրած կազմում են կառավարչական մեքենան, ամեն տեղ նոյնութեամբ կրկնվում են, միայն այն զանազանութեամբ, որ ռամկավարական երկրներում նոյն իսկ բանտերի պատերի վրայ փորագրված են «Ազատութիւն, Հաւասարութիւն եւ Եղբայրութիւն» կեղծաւոր բառերը:

Ամեն տեղ ժողովրդի քրտինքով են վճարվում հարկերը, որոնք գործադրվում են կառավարչական մարմինը սնուցանելու համար, որի նպատակն ու կոչումն է ծծել իրեն սնուցանող աղքատ ժողովրդի արիւնը:

Ամեն տեղ ժողովուրդը տալիս է «արեան հարկ», կատարելով զինուորական ծառայութիւնը: Ռուս զինուորը ի՞նչով պիտի նախանձի ֆրանսիական զինուորներին, որոնք ճանձի պէս կոտորվում են հեռաւոր կօթնիաններում կառավարութեան շահի կամ քմահաճոյքի համար եւ կամ իտալիական զինուորին, որը ապստամբ ամբոխի վրայ յարձակվելիս, անդիտակցաբար խրվում ու սպանում է իր հարազատ ծնողին: Ամեն երկրներում աղքատ ժողովուրդը հաց է գոռում: Բաղցածութիւնը հաւասարապէս իւր

գոհերն ունի թէ Սիցիլիայում եւ թէ Հայաստանում: Երբ մի քաղցած եւ առանց աշխատանքի մնացած բանւոր մի կտոր հաց է գողանում, ամեն տեղ գատարանները նրան պատի են ենթարկում, մինչդեռ մեծ գողերը եւ աւագակները անտպարիժ են մնում, ինչպէս պանամիսները Ֆրանսիայում եւ Մուսսուքէկերը Հայաստանում:

Բոլոր կառավարութիւնները ունեն ոստիկանութիւն, որը ժողովրդի արդար բողոքի ձայնը ինզդելու եւ նրան գնտակահար անելու համար միշտ պատրաստ է: Ամեն տեղ ոստիկանութեան կատարելագործված զգուշի ձեւը—գաղտնի ոստիկանութիւնը իւր խայտառակ դերն է կատարում:

Մի խօսքով, բոլոր կառավարութիւնները նոյն նպատակն ու նոյն կոչումն ունեն եւ գրէթէ ամեն տեղ նոյն մոջոցներն են գործադրում իրենց նպատակին հասնելու համար: Ուրեմն շատ հասկանալի է, որ բոլոր երկրներում կառավարչական այս բարբարոս կարգերը միեւնոյն պտուղն են տալիս, որ է ժողովրդի թշուառութիւնը:

Միայն կարճատեսները կարող են խաբւել եւ շլանալ այս կամ այն կառավարութեան արտաքին ձեւերով եւ խաբուսիկ փայլով, իսկ ինչ վերաբերում է յեղափոխականներին, ճշմարիտ յեղափոխականներին, որոնց նպատակը ժողովրդի բարօրութիւնն է, նրանք դիտեն, որ ներկայի բոլոր թշուառութիւնները վերացնելու համար բաւական չէ փոխել իշխող անհատները կամ վարչական ձեւերը, այլ պէտք է տալ ժողովրդին բացարձակ անտեսական ազատութիւն, որպէս զի կարողանայ իւր աշխատանքի ամբողջ արդիւնքը ապահովութեամբ վայելել, իսկ դրա համար անհրաժեշտ է ամենից առաջ վերացնել այն կազմակերպութիւնը, այսինքն կառավարութիւնը, որի միակ նպատակն ու կոչումն է կեղեքել աղքատ եւ արդիւնաբերող ժողովրդին:

Կառավարութեան աւերակների վրայ միայն թշուառ մարդկութիւնը պիտի կարողանայ գտնել իւր երջանկութիւնը: Ինչպէ՞ս երեւելի աղագորագէտ Մօրզանն առում է. «Այն ժամանակ տեղի կունենայ նախնական համայնքի իրական ազատութեան, հաւասարութեան եւ եղկայրութեան վերածնունդը»:

—, —

ՀԱՅԿԱԿԱՆ ԽՆԴԻՐԸ

I

Հայկական խնդիրը մի երեւայթ է, որ ունի իւր պատմական եւ ընկերաբանական պատճառները: Եթէ մենք սզգում ենք հետազոտել Հայկա-

կան խնդրի արտադրիչ պատճառները մի որոշ եւ ուղիղ եզրակացութեան հասնելու համար, պարտւոր ենք հետեւել Ասիայի քաղաքակրթութեան զարգացման գոնազան ելեւէջներին, ուր միայն կարող ենք գտնել այդ խնդրի գոյութեան պատճառները եւ լուծելու եղանակը. իսկ ընդհակառակն, եթէ նկատենք Հայոց հարցը որպէս մի տեղական մասնաւոր եւ ազգային խնդիր մենք բոլորովին թիւր մեկնած կը լինենք նրա աղբիւրը եւ նրա լուծման համար առաջարկելի ծրագրում կ'ընկնենք անհեթեթ սխալանքների մէջ:

Պատմական հին դարերում, երբ Եւրոպան տգիտութեան թանձր խաւարում խորատու զուած էր, արեւմտեան Ասիան փայլում էր իւր քաղաքակրթութեան յառաջադիմութեամբ, որի ապացոյցներն են այն բազմաթիւ տխուր աւերակները, որ այսօր հոյակապ յիշատկներ են համարվում: Բարբարոս Եւրոպան լուսաւորութեան առաջին ճառագայթները ընդունեց Ասիայից: Ասիան նրան սովորաբար եղինձ հալելը, երկաթ դարբնելը, ընտանի կենդանիներ պահպանելը եւ բազմաթիւ բոյսեր աճեցնելը: Ասիայից տարածվեցաւ Եւրոպական լեզուները, սովորութիւնները, զանազան գործիքներ եւ արհեստներ, ընտանի կենդանիներ եւ ամենաօգտակար բոյսեր, մէկ խօսքով քաղաքակրթութեան եւ յառաջադիմութեան հիմք կազմող ծանօթութիւնները, որոնց մանրամասն յիշատակութիւնը մեզ շատ հեռուն կը տանէր:

Բայց անգութ ճակատապրի անողոք պատահարների չնորհիւ մենք ոտկալուած ենք Վիրտին սովորելու եւրոպացիներից այն բոյսերի աճեցնելու յարմարագոյն եղանակները, որ մենք էինք նրանց փոխ տուել, այն կենդանիները խնամելու լաւագոյն կերպերը, որ մենք էինք նրանց երկիրը ներմուծել: Վերջապէս մենք պարտաւորուած ենք դիմել նրանց, ձեռք բերելու համար մարդկային ընկերութեան օգտակար ամեն դիտութիւնները:

Արդարեւ քաղաքակրթութեան հոսանքը, որ արեւելքից դէպի արեւմուտք էր դիմում առաջ, այժմ արեւմտքից դէպի արեւելք է առաջանում հսկայաքալ:

Հին Ասիան ենթարկվում է եւրոպայի քաղաքակրթութեան ազդեցութեան: Ասիական ծովափնեայ երկիրները օրից օր աւելի ենթարկվում են այդ ազդեցութեան եւ աւելի սերտ կապով կապվում Եւրոպայի հետ:

Եւրոպայի այդ քաղաքակրթութեան հոսանքը սկսել է թափանցել կամաց կամաց եւ երկրի խորքը. ահա այդ հոսանքն է, որ պատրաստում է Արեւելքի վերածնութիւնը—վերածնութիւն, որ պատճառ է լինելու սաստիկ փոփո-

րիկնների եւ արեւնահեղ յեղափոխութիւնների, որովհետեւ նա տալու է մահապաշտ հարուածը Ասիայի կեղեքիչների դժոխային կազմակերպութեան: Ամեն ժողովուրդ իր յարմարութիւններէն եւ իրան շրջապատող հանգամանքների ներածին չափ ենթարկելով է այդ քաղաքակրթիչ հոսանքին եւ յառաջադիմել: Այդ յառաջադիմութիւնը երբեմն կատարւում է կամայեւ եւ անտիճանաբար, որով խուսափում է մեր ակնարկից: Բայց եւ այնպէս ամեն տեղ կայ մի իրական յառաջադիմութիւն:

Ամբողջով խօսքերնիս հայերի մասին, մենք տեսնում ենք անապիին փոփոխութիւն, անհուն տարբերութիւն մեր այսօրուայ վիճակի եւ այն վիճակի մէջ, ուր գտնւում էինք սրանից ոչ միայն հարիւրաւոր, այլ մի քանի տասնեակ տարի առաջ:

Հայն ունի այսօր իւր գրականութիւնը, իւր մամուլը, որ մատակարարում է նրան եւրոպական քաղաքակրթիչ գաղափարները: Նա ունի իւր ուսումնարանները, որոնց թիւը օրից օր աճում է եւ որոնք եւրոպական մեթոդներով զարգանալու վրայ են անդգնատ: Պանդխտութիւնը նոյնպէս մի քաղաքակրթիչ գեր է իսաղում հայերիս կեանքում: Մայրաքաղաքների եւ օտար երկրների հայ մշակները վերադառնալով հայրենիք, տանում են իրենց հետ նոր հայացքներ, նոր գաղափարներ: Եւրոպայի հետ մեր ունեցած վաճառականական յարաբերութիւնները եւ նրանց արդիւնաբերութեանց մեղանում մուտք գործելը տալիս ու վրայ է արել մեր առօրեայ կենցաղավարութիւնը: մեր ճաշակը նորանում է եւ մեր պահանջները աւելանում են օրից օր, թէպէտ նրանց բաւականութիւն տալու միջոցները գոյութիւն չունեն:

Մի քանի հեռագրական թելեր, սակաւաթիւ խճուղիներ ծառայում են մեր երկրին, դիւրացնելով յարաբերութիւնները եւ արագացնելով նրա նախկին կեանքի յեղաշրջումը:

Վերջապէս յեղափոխական պրօպականդան, որ երթալով զարդանում է եւ տարածվում, մի անագին գեր է իսաղում հայ ժողովրդի կեանքում: Կենդանի ձայնը միացած տպագրական խօսքի հետ, կերպարանափոխում են ժողովրդի մտաւոր աշխարհը:

Չը կարծուի որ մենք լաւատես ենք կամ գոհ տեղի ունեցած յառաջադիմութիւնից: Մենք շատ լաւ գիտենք, որ մեր գրականութիւնը, առաջին պէտք եղած ծաւալը եւ բարձրութիւնը չունի եւ երկրորդ, որ աւելի զխաւորն է, ժողովրդի մեծամասնութիւնը չի օգտւում նրանից: Էլ չենք ուզում խօսել բռնաւորների եւ հարստահարիչների սուքերը լիզող ստորաքարշ թէրթերի մասին: Մենք ամեն օր տեսնում ենք

որ մեր գաղտնիքը թէ իրենց թուով եւ ուղղութեամբ ժողովրդի պահանջներին բաւականութիւն տալուց շատ հեռու են, եւ մեր արդիւնաբերող ժողովրդի մեծամասնութիւնը գրեկ կարգալ չի իմանում:

Մենք համոզուած ենք, որ Եւրոպայի հետ հայերի ունեցած վաճառականական յարաբերութիւնները մի նոր միջոց են դարձել հարստութիւն գիզելու համար իրանց խղճմտանքը ծախող հայ եւ եւրոպայի չարչիւների կեանքում:

Այն մի քանի հեռագրական թելերը եւ ճանապարհները պատերազմական նպատակով չիւնուած լիբելը շատ լաւ գիտենք: գիտենք եւս, որ մեր թշնամին մեզ ճնշելու եւ մեզ կողոպտելու համար օգտւում է այն թելերից եւ ճանապարհներից հրացան ու փամբուշտ փոխադրելով Կարին, Ալաշկերտը գնդակի տեղատարափ բռնելու, թնդանթներ քաշ տալով Սասունը անբակոծելու համար:

Վերջապէս մենք գիտենք, որ մեր ժողովրդի զանազան նախապաշարունակները դեռ կենդանի են եւ ստրկական ոգին դեռ տիրում է նոցա սրտին:

Այո, մենք գիտենք այս բոլորը, բայց եւ այնպէս ուրախութեամբ նկատում ենք այն փոփոխութիւնը, այն շարժումը, որ սկիզբն ու ըսկզբնապատճառն է հայ ժողովրդի վերածնութեան:

Այդ փոփոխութիւնը, այդ շարժումը քիչ թէ շատ մենք տեսնում ենք արեւմտեան Ասիայի ուրիշ երկրներում եւս:

Արեւմտեան Ասիայի վերածնումը մօտալուտ է: Մի անուշիկ յեղափոխութիւն, որ պիտի պայթի Օսմանեան կայսրութեան գլխին, պիտի ծնի այդ խարխուլ պետութիւնը կազմող բոլոր ազգերի եւ ժողովուրդների ազատութիւնը: Արեւելեան ինդիոն, որ Եւրոպայի պետական մարդոց ուղեղը այնչափ յոգնեցնող յետոյ ոչ մի լուծում, ոչ մի ելք չունեցաւ, պիտի լուծուի բնիկ ազգերի ձեռքով: Մի անագին յեղափոխութիւն պիտի փչրէ այդ Կորեան հանգոյցը եւ բացարձակ ազատութիւն պիտի չնորհէ այդ հանգոյցով կաշկանդուած բոլոր ժողովուրդներին:

Եւրոպայի քաղաքակրթիչ հոսանքի ազդեցութեամբ սկիզբն առաւ այդ շարժումը, ինչպէս ուրիշ ժողովուրդների, նոյնպէս եւ հայ ժողովրդի սրտում: այդ հոսանքի ազդեցութեամբ հայ ժողովուրդը քայլում է դէպի յեղափոխութիւնը, որը ուրիշ նպատակ չունի, եթէ ոչ տնտեսական բացարձակ ազատութիւն, որը միակ իդեալն է եւրոպական քաղաքակրթիչ հոսանքի:

(Շարունակելի)

ՄԻՋԱԶԳԱՅԻՆ ՅԵՂԱՓՈԽԱԿԱՆ ՇԱՐԺՈՒՄ

Եթէ մի ընդհանուր հայեացք ձգենք զանազան երկրների յեղափոխական շարժումների վրայ, սկսած քաղաքակրթեալներից մինչև բարբարոս Թիւրքեան և եթէ քննենք զանազան յեղափոխական շարժումները մի ընդհանուր եզրակացութեան գալու համար, կամայ ակամայ պէտքէ ընդունենք, որ բոլոր շարժումների պատճառները միևնոյնն են:

Քաղաքական ճնշումներ, տնտեսական սընանկութիւն, աղքատութիւն, ծանր հարկեր, միլիտարիզմ, և այլն . . . ահա այն պատճառները, որ ամեն տեղ, ամեն երկրում, հասարակ ժողովրդին մղում է դէպի յեղափոխութիւն: Քանի դեռ գոյութիւն ունեն բոլոր այդ պատճառները, յեղափոխական շարժումները չեն խոնարհվիլ կառավարութիւնների վայրենի հարուածների առաջ, այլ ընդհակառակը՝ աճելով վերջ ի վերջոյ տեղի կը տան մի ընդհանուր միջազգային յեղափոխութեան և ճնշումաւ ու սովատանջ ժողովուրդը թօթափելով բռնապետների լուծը՝ ձեռք կը բերէ հաց, ազատութիւն և մարդավայել կեանք վարելու իրաւունք:

Միջազգային յեղափոխական շարժումը լաւատեսների ցնորք չէ. ամեն տեղ, ամեն երկրում, գիտակցաբար, թէ անգիտակցաբար հասարակ ժողովուրդը ձգտում է նրա իրականացման: Նայած շրջապատող պայմաններին՝ մի երկրում գործունէութիւնն ստանում է հասարակ ցոյցերի ձև. մի ուրիշ տեղ գաղտնի ընկերութիւններ են հիմնվում յեղափոխական նպատակով, մի այլ երկրում բացարձակ ապստամբութիւն է ծագում, տարածվում ու ընդհանրանում ամբողջ նահանգներում: Իսկ երբեմն գործունէութիւնը անհատական ձև է ստանում, ուր անձնուրաց անհատները իրենց զոհում են հասարակական շահերին:

Մեր ձի մահ կառավարութիւնները վերաւոր գաղանի պէս, զգալով իրենց մօտալուտ վախճանը, սարսափելի հարուածներ են տեղում յեղափոխական ժողովրդի գլխին: Նոքա կուրացած չեն նկատում, որ իրենց հարուածնե-

րը ապարդիւն, անզօր են ճնշելու, ջանջախելու յեղափոխական յառաջդիմութիւնը:

Կառավարութիւնները ոչ թէ միայն անկարող են ճնշել այդ շարժումները, այլ նոյն իսկ նպաստում են նրա զարգանալուն: Փոխանակ շարժման դրդիչ պատճառները վերացընելու և ժողովրդի վիճակը բարելաւելու, ներանք աւելի վատթարացնում են ժողովրդի վիճակը, բարդելով զանազան հարկեր և այլն: Օրինակ, վերջերս Ֆրանսիայում ցորեն ներմուծելու մաքսը բարձրացրին, Իտալիայում աղի տուրքը աւելացրին, իսկ Ռումանիայում հարկ են դրել տան քացախեղէնների վերայ, որոնցով կերակրվում է գլխաւորապէս հասարակ ժողովուրդը: Որքան զօրեղանան շարժման դրդիչ պատճառները, աւելի ևս կը զօրեղանան յեղափոխական շարժումները և վերջ ի վերջոյ ընդհանուր սօցիալական յեղափոխութիւնը վերջ կը դնէ ներկայ բոլոր թըշուառութիւններին:

Քիչ թէ շատ հեռատես մարդիկ, հիմնվելով իսկ այս քանի ամսուայ շարժումների վրայ, գուշակում են, որ մօտալուտ է այն ցանկալի օրը, երբ սօցիալական յեղափոխութիւնը կը ոչնչացնէ ներկայ հասարակական կեցութեան հիմքը և կը պատրաստէ մի նոր երջանիկ կեանք համայն մարդկութեան համար:

Թ Ի Ի Ր Ք Ի Ա

Տաճկահայաստանի ամեն մի ծայրից սարսափելի լուրեր են գալիս այնտեղ տիրող սովի մասին: Սովը սկսվեց Կարնոյ նահանգից. նա տարածվել է, և այժմ ամբողջ Կարնոյ դաշտը, Ալաշկերտը, Վանը իր շրջականերով, Տարօնը, մի խօսքով բոլոր հայաբնակ կենտրոնները ենթակայ են այդ տղէտի սոսկալի հետեւանքին:

Յուսահատ հայը սկսել է արդէն գաղթել. Կարնոյ Դաշտից, Ալաշկերտից 2000-ի մօտ հայ ընտանիքներ թողել են հայրենիք և գաղթել զանազան կողմեր, մեծ մասամբ Կովկաս, ուր սոված, ծարաւ, մերկ, բոբիկ թափառում են քաղաքից քաղաք, գիւղից գիւղ:

Իսկ տաճիկ կառավարութիւնը երկար ժամանակ աշխատեց ծածկել սովը. լրագրներին արգելեց որ և է բան գրել և մինչև իսկ ստիպեց հերքել արտասահմանեան լրագրների հաղորդածները սովի մասին:

Սակայն ծածկել այլ ևս անհնարին էր, և նա ստիպված էր վերջ ի վերջոյ յայտնել պաշտօնապէս, թէ սով կայ և "օգնութեան հասնել տառապեալ ժողովրդին" ճանապարհ գցելով սովատանջ նահանգները ցորենի մի աննշան քանակութիւն:

Այս, թոյլ է Սուլթանը, երբ պէտք է իր ժողովրդի տանջանքին դարման անել, երբ պէտք է նրան սովամահ լինելուց ազատել: Սակայն թոյլ չէ նա, երբ բանը գալիս է հարկեր հաւաքելուն, սովատանջ ժողովրդի արեան վերջին կաթիլը ծծելուն և մանաւանդ՝ յեղափոխական այս կամ այն շարժումը զսպելուն:

Վանում փօլիս Նուրիի սպանութեան գործի առթիւ ահագին քանակութեամբ երիտասարդ ոյժեր բանտում փեցցնելուց, անասելի տանջանքներ տալուց, մի քանիսին նահատակելուց յետոյ, տաճիկ բարեխնամ կառավարութիւնը հրապարակօրէն կախեց վերջապէս ՄԱՆՈՒԿ ՇԱՏՈՐԲԱՆԻՆ, իբրև սպանութեան իսկական հեղինակին:

Եօղզագում մի հայ սպանել է իրեն հալածող փօլիսին, որի պատճառով կառավարութեան դրդամբ տաճիկ ամբօխը յարձակվել է անգէն հայերի վրայ, սպանել է 100 հոգի, վիրաւորել 150: Տաճիկներից սպանվել են 3, վիրաւորվել 8 հոգի:

Ամասիայում մի հայ լրտես է սպանվել. 28 հայ բանտարկված են դորա առթիւ:

Սիվաս նոր խռովութիւններ են պատահել. Պօլսից յատկապէս մի կոմիսար է գնացել դորա համար:

Կիւտա կղզում Սուլթանը հրամայեց կախել 5 յոյներ, ներելով նրանց հետ դատաւարտված մահմեդականներին: Դորա փոխանակ, մի քանի օրից յետ ծառերից կախած տեսան երկու մահմեդականների դիակներ: Դրան հետեւել է բազմաթիւ ձերբակալութիւններ:

ՌՈՒՍԱՍՏԱՆ

Մեծաքանակ ձերբակալութիւններ են տեղի ունենում ամեն տեղ, մանաւանդ Պետերբուրգում և Մոսկվայում:

Տօմսկում (Սիբիրում) բազմաթիւ ստարովցիներ(աղանդաւորներ) են ձերբակալվել:

Վարչակայում ոստիկանութիւնը մի յեղափոխական ընկերութիւն է գտել ռումբեր շինելիս մի վանքում: Յեղափոխականները ընդգրկմարել են: Սպանված են նրանցից 3, իսկ ոստիկաններից 2 հոգի:

Ջարխի անունով մի յեղափոխական սպանվել է Բալտեան գաւառներից մէկում, ժանդարմներին ընդգրկմարութիւն ցոյց տալու ժամանակ, երբ եկել էին իր բնակարանը խուզարկելու:

Կաղզուանի գաւառապետը, լսելով որ իր օրերը հաշված են և պիտի շուտով հեռանայ այդ իր ոսկետու պաշտօնատեղից, ուր երկար ժամանակ քիւրդ աւազակների բոլոր գողութիւնների գողակից ընկերն էր, մի ստորագրութեան թերթ է ման ածում, խաբելով միամիտ գիւղացիներին, թէ ձրի ալիւր են բաժանելու բոլոր ստորագրողներին: Տեղում տիրում է հացի թանկութիւն, այգեգործ ժողովուրդը քաղցած է: Ստորագրում են, բայց այժմեզ բան, թղթի բովանդակութիւնն է. "Երկունց գետին շնորհակալ ենք մեր Դրաջօվից և այլն..." Ռուսաստանում ամեն ինչ նարաւոր է, այն էլ յետ ընկած անկիւններում:

Մօտ օրերս նոյն Դրաջօվը(Կուկունեանի դատի բոլոր ֆալսիֆիկացեայի հեղինակը) հրամայում է հայոց եկեղեցու զանգակները խփել տալ, հրաւիրել հասարակութեան և յայտարարել, որ դէպուտատ ընտրեն: Ժողովուրդն աղմուկ է հանում եկեղեցում և դուրս գնում, որովհետեւ արդէն մի տարի առաջ ընտրված դէպուտատ կայ տեղում:

Գաղտնիքը նրանումն է, որ եղած դէպուտատը հարուստ և նիւթապէս անկախ մարդ լինելու պատճառով խանգարում է Դրաջօվի մուստառ ձեռքերին հասարակական փողերի արկղը մտնելը:

Վերջին տեղեկութիւնների համեմատ Դրա-
չովն արդէն հեռացրած է իր պաշտօնից: Հաս-
տատված է, որ արքունական գանձարանից
գողացել է 4500ր:

ՖՐԱՆՍԻԱ

Ֆրանսիական կառավարութիւնը մրցում է
Սուլթանի հետ յեղափոխականների դէմ ու-
ղղված կատաղի հալածա՝քներով: Լաւ հաս-
կացած լինելով, թէ ինչ աստիճան ճշմարիտ
են Վալեանի խօսքերը, երբ նա ասում էր,
թէ "իմ ուռմբի պայթումը միայն ապստամբ
Վալեանի աղաղակը չէ միայն, այլ ամբողջ
բանտորական աշխարհի, որը պահանջում է իր
իրաւունքները և շուտով կը միացնէ գործը
խօսքի հետ", կառավարութիւնը պատերազմ
է յայտարարել ոչ թէ առանձին անհատնե-
րին, ոչ թէ մասնաւորապէս մի որ և է կու-
սակցութեան, այլ ամբողջ բանտոր դասա-
կարգին: Խուզարկութիւնները հազարներով
են անվում և յունվարի 1-ին միայն 2000-
ից աւելի խուզարկութիւններ տեղի ունեցան
միաժամանակ ամբողջ Ֆրանսիայում: Այո,
մարդ պէտքէ խոստովանվի, որ "քաղաքակր-
թեալ" կառավարութիւնները այն միակ ա-
ռաւելութիւնն են ներկայացնում, որ միջոց և
կարողութիւն ունեն սյգպիսի գործեր կա-
տարել: Չեբբակալութիւնները կանոնաւորա-
պէս ամեն օր շարունակվում են. դրանց թի-
ւը մօտաւորապէս հաշվել անգամ անհնարին
է. առանց որ և է պատճառի, լոկ առաջա-
դէմ գաղափարներ ունենալու համար կամ
մի հասարակ կասկածի պաճառով բանտար-
կում են ընտանիքի տէր բանտորներին և մինչ-
դեռ տղամարդիկ բանտումն են, կինն ու ե-
րեխաները քաղցած ու ամենայետին թշուա-
ռութեան մէջ են մնում: Աջ ու ձախ ան-
արդար դատապարտութիւններ են կատարում.
օրինակ, ժան Գրավին երկու տարով բանտի
դատապարտեցին մի գրքի համար, որ մի տա-
րուց ի վեր ազատ կերպով վաճառվում էր
գրավաճառանոցներում. օտարահպատակնե-
րին աքսորում են և չնայած այս բոլորին...
ուռմբերի պայթումները շարունակվում են:
Ճիշդ է, այդ պայթումներից մի քանիսը որոշ

նպատակ չեն ունեցել, ուղղված չեն եղել ան-
միջապէս քաղաքական ճնշումների և տըն-
տեսական կեղեքումների դէմ, ինչպէս պէտ-
քէ լինեն, բայց և այնպէս նրանք սարսափ
են ազդում հարուստ դասակարգերի և կա-
ռավարութեան վրայ և աւելի լաւ ապագա-
յի յոյսը վառում բանտորների սրտում:

ԻՏԱԼԻԱ

Յեղափոխական հողմը, որ փչում է ամբողջ
Եւրոպայի վերայ, աւելի խիստ է Իտալիայում,
քան որ և է ուրիշ երկրում: Իտալիան, որ
Եւրոպական երկրներից ամենավերջինը արաւ
ազգային յեղափոխութիւնը, այսօր միւսների
առաջն է անցնում սօցիալական յեղափոխու-
թիւն անելու: Այս սիրուն երկիրը, որ մի ժա-
մանակ մի մեծ պարտիզի էր նմանում, այժմ մի
ամայի անապատ է ներկայացնում իր կղերա-
կան և քաղաքական բռնապետների շնորհիւ:

Երբ Յունվարի սկզբներին կառավարութիւ-
նը ապստամբ Սիցիլիայում պատերազմական
դրութիւն յայտարարեց, ամբողջ Իտալիա-
յում ժողովուրդը սկսեց համակրական ցոյ-
ցեր անել փողոցներում, հրապարակների վե-
րայ, թատրոններում և նոյն իսկ եկեղեցի-
ների մէջ: Այդ ցոյցերով ժողովուրդը արտա-
յայտում էր իր բուռն համակրանքը դէպի ա-
պրստամբները և խոր ատելութիւն դէպի
կառավարութիւնը: Շատ տեղերում ցոյցե-
րը զօրքերով զսպվեցան: Մօրրա զօրապետը
աշխատում էր զինաթափ անել Սիցիլիայի
բնակիչներին, բայց ինչպէս կառավարութիւ-
նը ինքը խոստովանվում է, փորձը անաջող
էր, որովհետեւ ամենալաւ զէնքերը թագգըն-
վում էին ապագայ շարժման համար: Մինչ-
դեռ կղզու վերայ կատարվում էր զինաթա-
փութեան ձեւականութիւնը, արդէն մի ու-
րիշ մեծ ապստամբութիւն ծագեց հիւսիսում,
Մասաա և Վարրար գաւառներում: Ապրս-
տամբները մարմարեայ հանքերում աշխատող
բանտորներն էին, որոնք հազարներով իրենց
ընտանիքների հետ լեռը քաշվեցան և կա-
տարեալ պատերազմ սկսեցին զօրքերի դէմ:
Բայց դժբաղդարար յանկարծակի ցրտերի և
մթերքների պակասութեան պատճառով եր-

կար դիմանալ չկարողացան: Մասսա-Վարրա-րի բանւորներն էլ, որ արհապէս արձագանք տուին իրենց սիցիլիաբնակ եղբայրների ձայնին, յաղթվեցան և այդ գաւառներն էլ զինւորական դրութեան ենթարկվեցան:

Այժմ "խաղաղութիւնը", բռնապետական կարգը տիրում է Սիցիլիայում, տիրում է և Մասսա-Վարրայում. զինւորական գատարանները առաջ են տանում իրենց վայրերի գործը. 20-25 տարի տաժանակիւ աշխատանքի են դատապարտում կտրիճ յեղափոխականներին. դատաւճիռները հարկւններով են արձակվում: Բայց ուրիշ շատ գաւառներում, Բոմանիում, Էմիլիում, Պուլլում գիւղացիները խուլ կերպով սպառնում են, իսկ քաղաքներում բանւորները պատրաստ են...

Իտալիան խաղաղ է, ինչպէս մի գերեզման, զինւորական դրութեան մէջ, սև տէնօրի շնորհիւ... Բայց մինչև ե՞րբ. երկաթ կը տևէ այդ խաղաղութիւնը: Փաստերը ցոյց են տալիս, որ ոչ:

ԻՍՊԱՆԻԱ

Փարիզի "Բէվոլտ" թերթին գրում են.

"Գիտէ՞ք, ինչեր են տեղի ունենում այն հրաշալի երկրում, որ Իսպանիա է կոչվում: Այ, դուք երբեք չէք կարող երևակայել:

Անգութ հալածանքներ, անասելի չարչարանքներ, ճնշումներ, տանջանքներ, աքսոր, սպանութիւն, մենք այդ ամենը տանում ենք, մենք, իսպանիայի յեղափոխականներս: Երբ մեր ընկեր Պալլասը ցոյց տուեց բուրժուազական հասարակութեանը, որ արհասիրտ մարդիկ հազար անգամ գերադասում են մահը սարկութիւնից, այդ օրից ի վեր մեզ հալածում են կատաղարար, ինչպէս չեն հալածում նոյն իսկ վայրենի գաղաններին...

Պալլասի գործից յետոյ միայն Բարցելոնում մեր ընկերներից 500-ից աւելի պահում են զինւորական բանտերում:

Անթիւ ձերբակալութիւններ են արվել Մադրիդի, Վալանսի, Սէվիլի, Վադիքսի, Մալագայի, Բիլբայի, Բերեսի մէջ և այլն: Բոլոր բանտարկեալներին վայրենի կերպով ծեծում են, բանտերում ինկվիզիցեան վերականգնե-

ցըրել են: Եւրոպական մամուլը մի խօսք անգամ չէ ասում այս ամենի դէմ:"

Աւր արգարութիւնը ոտնակոխ է անվում, այնտեղ առանձին անհատները արգար վերէսինդրութեան են դիմում: Յունվարի 25-ին, երբ Բարցելոնի ոստիկանապետը պատրաստվում էր կառք նստել, մի բանուոր, Բամոն Մօրել կասաս անունով ատրճանակով ծանրը վիրաւորեց ոստիկանապետին:

ԳԵՐՄԱՆԻԱ

Կառավարութիւնը նորից սպառնում է "բացառիկ օրէնքներ" արձակել յեղափոխական բանւորների համար: Բայց յեղափոխական հոսանքը փոխարէն փոքրանալու օրից օր աճում է և արդէն նոր, աւելի յառաջագէմ ընկերավարական տարրեր են առաջացել: Բանւորները աշխատանք չեն գտնում և աշխատանքի պակասութիւնը, որ ընդհանուր է, աւելի ևս վառում է ապստամբական ոգին: Յեղափոխական գաղափարները թափանցել են նոյն իսկ զօրքերի մէջ, որ բըւնապետական կառավարութեան հիմքն է կազմում: Ազատամիտ բանւորների և յեղափոխականների հայածանքները աճում են: Զգալով, որ իր ղյժերը կորցնում է, կառավարութիւնը վայրենի խստութիւններ է բանեցընում: Բայց իշխողների խստութիւնները միայն իրենց մտաւայ անկումն է նախագուշակում: Եթէ մտածելու ընդունակ լինէին, պատմութիւնը բազմաթիւ նոյնօրինակ փաստեր ցոյց կը տար իրենց:

ՌՈՒՄԱՆԻԱ

Անցեալ ամիս մի քանի գաւառներում գիւղացիները ապստամբվեցան. նրանք յարձակվել են համայնական խորհրդարանների վրայ և արժանաւոր խրատ տուել տանուտերներին, որոնք "մաքսիմում" կոչված օրէնքը փորձել են իրագործել: Այդ օրէնքի համեմատ նոր տուրք է դրվում ձմեռուայ համար աղում ու քացախում դրած ուտեստների վրայ: Զօրքերը վրայ են հասնում և մի քանի գիւղերում հասարակ օփիցէրների հրամանով, առանց որ և է առիթի գիւղացիների կողմից,

գնտակահար են անում գիւղացիներին: Բազմաթիւ գիւղում միայն 20 հոգի են ընկնում:

Այդ օրէնքը հրատարակողը ընդհանուր ձայնատուութեամբ ընտրած երեսփոխանական ժողովն է, իսկ զօրքերը՝ ազգային զօրքեր...

Ահա ազգային կառավարութեան առաւելութիւնները:

Դա չի նշանակում, ի հարկէ, որ պէտքէ գերադասել օտար կառավարութիւնը: Մենք սկզբունքով դէմ ենք կառավարչական կարգերին և կողմնակից համայնքների կատարեալ ինքնավարութեան:

ՀՈԳԵԿԱՆ ՊԱՀԱՆՁ

Ընկաւ Վալիանը, զոհվեց Զաքարեանը... Օրից օր յեղափոխական նահատակների թիւը աւելանում է, գնալով սաստկանում է բուրժուազական տիեզերական կազմակերպութեան կատաղութիւնը, որ իր զազրելի կեանքը մի քիչ էլ երկարացնելու համար կամենում է արին խմելով սնվել: Գիլետտինը մարտիրոսների արինով է շաղախվում, բանդերն անբաւական են դառնում, իսկ յեղափոխական շարժումն ընդհակառակ՝ օրից օր տարածվում, մեծանում է: Ինչո՞վ բացատրել այս երևոյթը, որի առաջ նոյն իսկ իրանք դահիճները ապշած ու շուարած են. կոտորում են անխնայ, իսկ զոհը անյողդող դիմում է դէպի մահը յանուն թշուառ մարդկութեան. արհամարական ժպտով նայում է իր դահճի երեսին, մահուան տագնապը չի դողացնում ոչ ոքին: Յեղափոխականը միշտ առաջ է գնում: Կառավարութեան ձեռք առած ամեն տեսակ դժոխային միջոցները ոչնչով չեն կարողանում արգելել յեղափոխականներին հարուածել կառավարչական արիննարբու մեքենան: Յեղափոխականը գործ է ածում իր ամեն հնարը տապալելու համար հարստահարեալ մարդկութեան ոխերիմ թշնամի եղող կառավարչական անխիղճ կազմակերպութիւնը: Յեղափոխականը գնում է առաջ և չի դադարում գործելուց յանուն յեղափոխութեան, մինչև որ դահիճը չի խողխողում նրան, խեղդելով նրա

կոկորդումնահատակի այս վերջին ճիւղը "կեցցէ՛ յեղափոխութիւն": — Այս իդեալական տիպը ծնվեց աղքատ ժողովրդեան յուսահատ շրջանում, իր մօր ցամաքած կրծքից կաթի տեղ ծծեց թշուառութեան առաջին կաթիլները, իր դժբաղդ կեանքի ամեն քայլափոխում հանդիսատես եղաւ հարստահարիչ սոսկալի տեսարանների և ինքն իր կարգին չարչարվեց ու հարստահարվեց: Մանկական հասակը զարգանալուն հետ, աճեցաւ և իր ատելութիւնը դէպի կառավարչական բռնապետ կազմակերպութիւնը, դէպի անխիղճ կեղեքիչները. նա կատարեալ երիտասարդ դարձաւ, իր գաղափարները և զգացումներն ևս հասունացան. իր նիւթական վիճակը ծանրանալուն հետ, բազմապատկեց նրա ատելութիւնը իր թշուառութեան աղբիւր եղող կազմակերպութեան դէմ: Այդ օրից օր աճող քէն ու վրէժնորութիւնն սկսաւ հըրդեհել նրա ուղեղը և բաւականութիւն պահանջել:

Ինչպէս մարմինը, նոյնպէս և մարդուս միտքը ունի իր պահանջները. գաղափարի ծարաւը աւելի սաստիկ է, քան թէ պապական շրթունքները:

Հարստահարված մարդկութեան սիրտը յեղափոխական ծարաւով տոգորվում է. նա ամեն ինչ զոհելով՝ բաւականութիւն պիտի տայ իր այդ պահանջին: Յեղափոխականը զոհում է ինքն իրան, որովհետև այդպիսով միայն կարող է բաւականութիւն տալ իր գրգռված զգացմունքներին:

Այո, յեղափոխութիւնը այժմ հոգեկան մի անդիմադրելի պահանջ է դարձել...

Թերթիս դիմել հետեւեալ հասցեով.

W. Voynich. (Hamaïnk). 3, Ifley Road, 3.
Hammersmith, W., London.

Փարիզ. Միջազգային տպարան.